



Biblioteca
Nacional Aruba

Contamento di storia cerca nos grandinan cu Amarilis Velázquez

Biblioteca Nacional Aruba a clausura su proyecto 'Contamento di cuenta pa nos grandinan' diamars ultimo cu un presentacion na St. Michael Paviljoen. E presentacion tabata den man di e contador di storia Sra. Amarilis Velázquez. Amarilis a conta storia di Nanzi na su publico cu hopi entusiasmo y smak. Amarilis a bishita 4 cas di anciano hunto cu e team di biblioteca y tambe PAAZ.

Amarilis Velázquez

Amarilis Velázquez (Aruba, 1941) a studia pa docente di Spaño como 40 aña pasa. Y despues el a sigui studia Papiamento. Amarilis a traha na diferente scol na Aruba y el a biba y el a traha pa hopi aña na Hulanda y Corsow. Na Hulanda el a sigui entre otro curso pa conta cuenta. Semper e tabata tin hopi interes pa e desaroyo di Papiamento y a traha tambe como traductora. Amarilis semper a gusta conta storia, esei ta algo cu el a tuma over di su tata. Amarilis tin un trayectoria largo riba tereno di idioma y tereno literario. El a traha hunto cu autornan Antiyano riba diferente proyecto. E amor pa conta storia a keda semper mes un fuerte y e biaha aki Amarilis a traha hunto cu biblioteca na e proyecto pa nos grandinan.

Como di dos parti di e programa tabata tin cantamento. cu e grupo musical di biblioteca 'Goza un tiki'.

Goza un tiki

E Grupo musical Goza di biblioteca a entretene e publico cu nan repertorio cu ta consisti di 12 cantica. Canticanan clasico cu nos tur conoce. Nan a canta canticanan manera "Potpuri di Tumba" y "Dugu dugu sin saus". E grupo ta wordo forma dor di empleadonan di biblioteca y coleganan di Archivo, ICA cu BID, cantantenan ta, Seraja Engelbrecht, Glenda Maduro, Astrid Gietel, Belkys Flores, Zetsia Ponson, Charmaine Boekhoudt y Yosmar Sneek.

Cada siman e team a bishita un cas y a ofrece un presentacion di un ora. Meta di e proyecto aki ta pa yuda tene e habitantenan di e casnan socialmente activo y pa haci promocion di lesamento. E bunita proyecto aki a bira posibel cu co-financiamiento di UNOCA y Biblioteca Nacional Aruba ta gradici UNOCA pa esaki.